

光緒山西通志

金石記二

記五之二

山西通志第九

賜進士出身頭品頂戴兵部侍郎兼都察院右副都御史巡撫山西提督軍務臣張勳奏

旨監修

碑碣

漢 魏

北齊 北周

隋 後魏

漢

呂梁碑

無年月

篆書舊在永甯州

路史呂梁碑劉耽作字爲小篆鉤畫訛泐間可認者僅六十言耽於傳無聞矣據碑之言皇帝登封之歲則秦漢間人也碑中敘記虞帝之世云舜祖幕幕生窮蟬窮蟬生敬康敬康生喬牛喬牛生瞽叟瞽叟產舜命禹行水道呂梁特此節完備爲可攷質之於傳惟無句望且不言出自黃

帝諒得其正甲申秋七月觀於內相郭知章明叔家公異時亦嘗集錄古刻多六一先生之未見者二百斯其一也字勢權奇蓋莫之辨嗚呼有虞氏之明德千古被之而無斁者孰有世祀之不明者乎數千載之後予得論而次之天未喪斯文哉呂梁者龍門也而彭城之東一亭亦有所謂呂梁蓋猶夷陵陸渾交趾等處之龍門云

汾州府志呂梁山西南距永甯州治百三十里俗呼骨脊山舊傳山半有蛤蜊及繫舟鐵綆少東曰鐵鑄山舊傳有鐵環並非所詳究也山有漢劉耽碑可辨者六十字言舜禹治水時事

謹案呂梁在晉見於前人考論者有三一爲龍門一爲保德之天橋峽一卽數脊山也戴東原志汾獨據

司馬彪晁以道之說以禹貢之治梁屬之離石又證以此碑而於碑之所在其存其亡未深求也今亦無從確訪姑依汾志說之碑云皇帝登封之歲當在漢武元封元年漢書王子侯表代共王子九人其分封皆在西河而離石蘭皋狼三侯國又皆爲今永甯州地作碑之劉耽殆其宗人歟且漢表蘭侯罷軍史記作侯憲邵侯順史記作侯慎當時名字間有更易者耽或卽九人中之別名歟要之自永甯以北至保德皆漢西河郡地而碑爲西漢古刻又確然也

明公祠碑

漢安二年 舊在解州

太平寰宇記明公祠在解縣東南八里昔有劉明於此學

道後人爲明立祠因名焉今其碑尙存文曰惟漢安二年
按漢安卽後漢順帝之年號也

河東地界石記

延熹四年 見金石錄舊在蒲州府

郭有道碑

建甯二年 蔡邕撰并書舊在介休縣

太平寰宇記汾州介休縣郭林宗冢在縣東南二十里周
武帝時除天下碑惟林宗碑詔特留

石鏤鐫華此碑在介休縣余邑人王正己曾爲其縣令余
從其家覓一紙乃正己重刻者深恨不得原刻近有晉人
爲余言舊石曾在一秀才極愛之每往碑下摩挲累日一
夕盜碑昇去縣令無奈重刻一石以應求者後又磨泐而

王正己再刻之秀才所盜之石竟不得出異哉

兩漢金石記此碑今日所傳拓者凡有二本乃近人傳青
主鄭谷口所重書愚所錄此本是乾隆七年如皋姜任脩
摹本任脩字自耘號退耕後有自識云予從寒山趙氏拓
本摹得又摹北海孫氏所藏石經殘碑得中耶筆法以吳
炳補桐柏碑之例重補此碑或比近人傳山鄭蓋差勝云
愚按是本以亨爲享以遘爲隨以殷爲隱則皆見於劉熊
碑者也以穡爲牆則見於石經論語者也又以樅爲確以
穉爲栖遲則皆見於婁壽碑者也劉熊碑世或傳爲蔡
書遘殷二字洪氏亦嘗以假借釋之至婁壽碑則未有目
爲蔡書者石經論語雖屬蔡書然穡樅諸字則洪氏未嘗
以假借釋之借非原石如此何以能閤合乎或又疑姜從

隸辨摹入然若使從隸辨摹補亦焉能免參差集綴天吳
袒裼之痕而予曾見姜君所摹袁逢曹全諸碑手意莽鹵
斷不能脫空摹擬而勻潔若此惟其不能自運是以筆蹤
弱劣不稱漢碑骨格而要之典型具在非傳鄭二刻比也
且其通體筆意與寒山趙氏婁壽相似則其出自寒山諒
非誑語矣 此本及傳鄭二本並云年四十有二以建甯二
二年正月乙亥卒蔡中郎集則云年四十有三以建甯二
年正月乙亥卒水經注則云年四十有三以建甯四年正
月丁亥卒三處互異漢書本傳云建甯元年太傅陳蕃大
將軍竇武爲閹人所害林宗哭之慟明年春卒於家時年
四十二考陳蕃竇武之死在靈帝建甯元年九月史不誤
也然則林宗當生於順帝永建三年戊辰至建甯二年

四十二也惟是年正月甲辰朔二月癸酉朔乙亥丁亥二
日則正月皆無之若依水經注作四年則其正月二十六
日是丁亥然於史又不合是則所當闕疑者亦不得因水
經作四年而遽謂此本誤也 傳青主此碑後有跋云此
碑在南渡之前已不可見而今乃有藏此碑者吾從汾陽
曹孝廉偉得一本不知近代何人補書陋甚不知青螺公
所嘗識以爲漢碑者又何本也按此所謂青螺者郭子章
也子章重刻郭林宗碑跋云介休之尹正己訪於汾故家
一得舊碑示余余近過許昌摹魏受禪文參之斯碑字體畫
一其出蔡手無疑王乃命工鐫之貞珉据此云字體與受
禪相類則是方整一種矣此亦足證姜氏所摹之非無據
也

金石萃編姜任脩本較傳鄭二家頗有根據然姜子恭書
孝廉與我善言及此碑亦不信以爲真也因其文尙與史
傳及蔡中郎集文選諸書有資攷證處姑著於編識者自
能辨之六經集作六籍隨集集作游集絕軌文選作紀軌
誤年四十有二集作四十有三凡我同好集選並
作凡我同好惟先生之德集作推先生之德談以課
不朽集作以圖不朽見述集作紀述樹碑集作建碑奮于
集作奮于幽後集作幽潛至赫字漢錄亦有作赫者碑書
赫赫二字爲蒸蒸竟與美字無異則失古人省文假借之
意矣

山右金石志略煒案此碑亡於北宋以前歐陽公集錄多
至千卷竟無此碑趙明誠金石錄彙漢唐以來碑版至二
千餘卷最爲浩博而此碑亦未之見至明盤屋趙子涵著
石罍鐫華謂碑爲一秀才盜去徧詢汾人竟無其說固知
爲臆斷之言也至補書者前後凡見三本一爲陽曲傅青

主卽今立於墓前者一爲鄭谷口不特嫩弱無力錯訛處
尤指不勝屈其一不知名氏雖少清明而亦無甚佳處案
氏所謂清明者卽姜氏墓本也而介休又別有傳刻之本
幾於字字爲撰無論隸法卽前後署款如陳留蔡邕伯喈
撰書大漢建寧三年庚戌春三月既望勒石侯碑有
此體式乎眞妄人矣宜急焚之爲中郎一潸其穢也
冀州地界碑

光和四年 舊在渾源州

水經澹水出代郡靈邱縣高氏山注卽漚夷之水也出縣
西北高氏山其水東南流山上有石銘題言冀州北界故
世謂之石銘陁也

謹案酈注徐水下云徐水又逕北平縣界有漢熹平
四年幽冀二州以戊子詔書遣冀州從事王球幽州
從事張昭郡縣分境立石標界具揭石文矣似石銘

當在其時惟靈邱縣本屬代郡光和元年中山相藏
昊上請別屬亦見於注代郡隸幽州中山國隸冀州
縣旣改屬則冀州之境且益北開別立界石以表新
疆亦當時事例銘勒於光和審矣漢書本紀靈帝熹
平七年五月改元光和距戊子詔書僅三年也高氏
山卽今恆山石銘陁當山左側在渾源州南七十里
禹廟碑

光和二年 舊在河津縣禹門口

金石錄碑云光和二年十二月丙子朔十九日甲午皮氏
長南陽章陵劉尋孝嗣丞安定烏氏樊璋元孫其後敘禹
平水土之功而最後有銘文多殘缺不能盡識碑在龍門
禹廟

揚州刺史敬君碑

光和四年 舊在臨汾縣

集古錄漢敬仲碑者其姓名字皆不可見惟其初有敬仲二字尙可識故以寓其名爾蓋疑其人姓田氏也大抵文字摩滅比其他漢碑尤甚字可識者頗多第不成文耳惟云州郡課最臨登大郡又云居喪致哀又云司隸從事治書侍御史又云光和四年閏月庚申此數句粗可讀爾其餘字畫僅有完者以漢隸今爲難得錄之爾治平元年五月二十九日書

集古錄漢無名碑文字磨滅其姓氏名字皆不可見其僅可見者云州郡課最臨登大郡又云居喪致哀曾參閔損又曰辟司隸從事拜治書侍御史又曰奮乾剛之嚴威揚

山陰縣志卷九
名不刊二
六
哮虎之武節又曰年六十三光和四年閏月庚申遭疾而卒其餘字畫尙完者多但不能成文爾夫好古之士所藏之物未必皆適世之用惟其埋沒零落之餘尤以爲可惜此好古之癖也治平元年六月五日書

金石錄漢敬使君碑在河東平陽其額題云漢揚州刺史敬君之銘碑已殘缺其名字皆亡略可辨者嘗辟司隸從事又爲治書御史最後云年五十三光和四年閏月遭疾而卒其他不復可考按姓苑載風俗通有敬歆漢末爲揚州刺史元和姓纂亦云歆平陽人而後周書敬珍傳唐書宰相世系表歆皆作韶余得後魏敬曦造像碑亦作韶乃知姓苑姓纂之謬又集古錄此碑凡再出一題敬伸碑云名字已摩滅獨首有敬伸字故寓其名而疑其姓田也其

一題無名碑所載事皆同蓋歐陽公未嘗見其額爾

堯廟碑

舊在臨汾縣

水經注水側有堯廟廟前有碑魏土地記曰平陽城東十里汾水東原上有小臺臺上有堯神屋石碑

禹廟碑及陰

舊在河津縣

金石錄漢禹廟碑字畫淺細故摩滅尤甚其字迹歲月皆不可考略可見者云皮氏長安定蘇而名字亦不能復辨矣

集古錄漢碑陰題名在閔鄉楊震墓側文字磨滅不可復考其僅可見者曰侯長汾陰趙遺子宣侯上滅一字又曰

故督郵曹史縣功曹鄉部吏柏昱等人名鄉上又減一字
又曰西鄉亭長柏昱子政又曰鄉亭長翟國相如鄉上又
減一字又曰麟都亭長陰定安定谷口亭長方文雅方上
又減一字東門亭長梁忠子孝四望亭長吳鴻子名麟武
亭長常壽君宣其餘缺裂不完蓋楊氏子孫當時皆葬閔
鄉碑碣往往磨滅此不知爲誰碑也

金石錄漢禹廟碑陰自侯長汾陰趙遺子宣而下凡數十
人姓名官爵具存又有故督郵曹史縣功曹鄉部吏柏昱
等人名最後有龍門復民之十五戶在今龍門禹廟殘碑
之陰而集古錄云在閔鄉楊震墓側又云楊氏子孫當時
皆葬閔鄉此不知爲誰碑者蓋誤也

禹廟別碑

舊在河津縣

隸續趙氏錄禹廟凡二碑皆在龍門其一有皮氏長劉
丞樊璋姓名而無陰其一有皮氏長安定蘇字而文已磨
滅其陰則有汾陰趙遺數十人姓名官爵最後有龍門復
民三十五人名此碑列有四十一人姓名疑是龍門復民
而多少與趙說不合蓋別一碑也題名之上有文十餘行
乃唐開元中龍門令呂延祐所作禹廟頌楚順八分書亦
猶魏子廟碑後人刻於石之空處耳

謹案水經注龍門山大禹所鑿岸上並有祠廟祠前
有石碑三所二碑文字素滅不可復識一碑是太和
中立未知德父所錄二碑卽道元所云文字素滅者
否然自北魏太和迄宋治平閱六百年猶有墨本得

見於世知道元特偶舉所聞不求詳審後一碑亦未
數及也

宋子浚碑

舊在介休縣

水經注汾水又西南逕介休縣故城西城東有徵士郭林
宗宋子浚二碑宋仲以有道司徒徵林宗縣人辟司徒舉
太尉以疾辭

謹案鄭注以有道司徒徵句有脫誤其下記林宗樹
碑事云心喪期年者如韓子助宋子浚等二十四人
則子浚乃林宗弟子也豈嘗與師同以有道舉乎縣
志墓在尉村碑不知何時亡矣

首山復民碑

舊在永濟縣

首山復戶姓名碑

舊在永濟縣

志略二碑並見金石錄後碑疑卽復民碑陰也

太守樊演碑

舊在臨晉縣見天下碑錄

謹案境內漢碑無復存者因前人所錄而敘其目以俟搜訪例也王氏志略惟遺太平記一條其永濟之夷齊碑曲沃之張壽碑亦據通志錄入實皆不在此竹邑侯碑真機云在單州水經注所云首陽山別在洛陽若留侯張良孝子董永霍榮祖墓諸碑則皆後人所題不能因其書爲分隸遽目爲漢刻矣

魏

并州刺史王恆碑

無年月 隸書見天下金石志舊在太原縣

豫州刺史賈逵碑

隸書舊在曲沃縣

集古錄魏志逵傳云逵爲絳邑長爲賊郭援所攻絳人與
援約不害逵乃降而援欲以逵爲將怒逵不肯叩頭欲殺
之絳人乘城呼曰負要殺我賢君甯俱死援義之遂不殺
又裴松之注引魏略云援捕得逵怒不肯拜促斬之諸將
覆達壺關土窖中守者祝公道釋其械而逸之已與魏志
不同而此碑但云爲援所執臨以白刃不屈而已不載絳
人約援事如傳所載不獨逵有德於絳人而絳人臨危能

與遠生死亦可謂賢矣自古碑碣稱述功德嘗患過實如
遠與絳人德義俱隆不應略而不著頗疑陳壽作傳好奇
而所得非實也松之又注魏書遠年五十五而碑云五十
有四亦當以碑爲正志略碑案漢魏碑碣多出官吏之手
竊謂著錄碑文當取其年壽官位以證史傳之合否其一
切事實可存而不論不可據碑以疑史歐陽公以此碑失
其意事遂疑壽史好奇而非實與薛仁貴不載壯士長歌
事而謂三箭定天山之語出於舊史之附會增飾其同一
過計也哉

謹案魏志賈逵爲豫州刺史吏民追思之爲刻石立
祠魏豫州初治譙後治潁川不當在絳茲仍據各志
錄入者遠襄陵人距曲沃之古絳邑百里而近遠愛
在人其有碑與情事未爲不合桐鄉之祀愈於公間
氏光大其門多矣

晉

五戶將軍祠銘

秦始三年舊在平陸縣東

水經注晉秦始三年武帝遣監運大中大夫趙國都匠中郎將樂世帥眾五千餘人修治河灘事見五戶祠銘五戶灘名也有神祠通謂之五戶將軍亦不知所以也

句注碑

咸甯元年舊在代州

水經注雁門郡北對句注東陘其南九塞其一也晉咸甯元年句注碑曰蓋北方之險有盧龍飛狐句注爲之首天下之阻所以分別內外也

案今本水經注無此文據太平寰宇記引之蓋所闕之五卷有

厚池水此其佚文也

西河繆王司馬斌碑

太康年 索靖分書舊在汾陽縣

水經注魏黃初二年分太原復置西河郡晉徙封陳王斌

于西河故縣有西河繆王司馬子政廟

戴氏案近刻脫大原至故縣有凡二

十字又繆訛作恭政訛作盛

碑文云西河舊處山林漠末擾攘百姓失

所魏興更開疆宇分割太原四縣以爲邦邑其郡帶山側
塞矣王以咸甯三年改命爵土明年十二月喪國臣大農
閻崇離石令宗羣等二百三十四人刊石立碑以述勲德
碑北廟基尙存也

汾州府志晉西河王司馬斌墓在汾陽縣西七里唐賈
耽刺汾州於古寺中掘得司馬子盛碑太康中尙書郎
索靖八分書辨者大半今其碑不知所在矣

太原成王司馬輔碑

舊在太原縣

水經注太原郡治晉陽城魏土地記曰城東有汾水南流
東有晉使持節都督并州諸軍事鎮北將軍太原成王之
碑

榆次令荀藐碑

見天下金石志舊在榆次縣

志略按晉荀藐爲令鳳集其境宋天聖中文彥博署縣事
建思鳳亭書畫譜作荀藐非

中書令裴楷墓碑

舊在絳縣西南碑已剝落見縣志

北漢司徒劉雄碑

嘉平五年 舊在臨汾縣

金石錄僞漢劉雄碑其額題漢故使持節侍中太宰司徒公右部魏成獻王之碑碑云公諱雄字元英高皇帝之冑孝宣帝元孫值王莽篡竊遠遁朔方爲外國所推遂號單于累葉相承家雲中因以爲桑梓焉雄劉元海弟也晉書載記元海本匈奴人冒頓之後高祖以宗女妻冒頓約爲兄弟故其子孫遂冒姓劉氏今此碑直云出自宣帝豈元海初起假此以惑眾乎碑後題嘉平五年歲在乙亥二月六日建按宋書公紀年通譜劉聰以晉懷帝永嘉四年卽僞位改元光興明年改元嘉平嘉平四年改元建元則嘉平豈復更有五年蓋載記初不編年故於改元歲月難考此碑當時所立不應差謬乃通譜誤也

志略雄墓在城西北十里土人訛傳爲劉聰墓通志以碑額太宰字遂以爲漢太宰上洛王劉景墓又疑爲右部都尉劉宣墓謬甚

後趙將軍張平碑

舊在五臺縣

太平寰宇記張公城十六國時石勒將張平築城東有平碑

後秦太公廟碑

宏始十六年 今在芮城縣

太平寰宇記太公祠在縣東南呂坡二十五里周太師封於齊三十世呂德仁晉秦始元年出爲河北郡太守今縣北有河北故城至後秦宏始十六年隴西太守呂憑創基

立廟有二碑見存

芮城縣志齊太公廟碑在東呂村南坡下有二其一斷碑下截尙存碑陰有大唐坊州呂司馬頌曰先君藏器隱跡十數字餘不可識旁有詩曰不忍逢殷季藏愚八十年待時屠釣裏懷道廢興前鼎鼐資邦國芳香問聖賢悲惟清廟享宗祀永縣絳僧曇遠鐫石其一文字剝落不可讀惟額云周太師齊太公之廟

謹案元和志芮城漢以其地爲河北縣屬河東郡姚秦於此置河北郡太平記同晉初未嘗有此郡也太平記呂德仁爲河北郡太守當是河東之訛宏始十六年爲姚興僭位之二十一年晉安帝義熙十年北魏明元帝神瑞元年也後三年而興子浞爲劉裕所

滅

後魏

薄山紀功碑

天興二年 舊在薩拉齊廳

魏書帝紀太祖天興二年二月車駕從破高車還秦韓山刻石紀功太宗永興五年秋七月幸薄山觀太祖遊幸刻石頌德之處乃於其旁起石壇而薦享焉賜從者大饌山

下案舊通志據襄山一名薄山謂在蒲州府誤

大道壇及嶽廟碑

始光二年 舊在大同府

水經注如渾水又南逕平城故縣東司州代尹治皇都洛都以為恆州水左有大道壇廟始光二年少室道士寇謙

之所議建也兼諸嶽廟碑亦多所署立

保母寶太后碑

眞君元年 舊在渾源州

魏書列傳世祖保母寶氏及卽位尊爲保太后後尊爲皇太后眞君元年崩時年六十三詔天下大臨三日太保盧魯元監護喪事謚曰忠葬崞山從后意也初后嘗登崞山顧謂左右曰吾母養帝躬敬神而愛人若死而不滅必不爲賤鬼然於先朝本無位次不可違禮以從園陵此山上可以終託故葬焉別立后寢廟於崞山建碑頌德

廣德殿碑

眞君三年 舊在薩拉齊廳

水經注其時帝幸龍荒遊鸞朔北南察王仇池楊難當擒

蕃委誠重譯拜關陞見之所也故殿以廣德爲名魏太平
眞君三年刻石樹碑勒宣時事碑頌云肅清帝道振攝四
荒有蠻有戎自彼氐羌無思不服重譯稱頌恂恂南秦敘
敘推亡義義廣德奕奕焜煌侍中司徒東郡公崔浩之辭
也碑陰題宣城公李孝伯尙書盧退等從臣姓名若新鏤
焉

太保錄尙書事襄城王盧魯元墓碑

眞君三年 舊在渾源州

北史列傳眞君三年駕幸陰山魯元以疾不從及薨帝甚
悼惜之還臨其喪比葬三臨之贈襄城王諡曰孝葬於崞
山爲建碑闕

御射臺碑

和平二年 舊在靈邱縣

太平寰宇記蔚州靈邱縣御射臺在縣南一十八里水經注云靈邱縣有御射臺臺南有御射碑卽魏文成帝和平二年南巡於此路左有山高七百仞命羣臣射之不過半帝乃射之箭過其頂三十餘仞落山南三百步遂刻石其碑見存陰刊從臣姓名

郊天碑

延興四年 舊在大同府

水經注平城西郭外有郊天壇壇之東側有郊天碑建興四年立

案北魏無建興當是延興之誤

晉尙書僕射李熹墓碑

太和元年 舊在沁州

山西通志卷九十一
李氏墓
水經注銅鞮水又東逕李熹墓墓前有碑碑石破碎故李氏以太和元年立之

永固陵石室碑

太和八年 舊在大同縣方山

北史列傳文成文明皇后馮氏高祖承明元年尊曰太皇太后與高祖遊於方山顧瞻川阜有終焉之志高祖乃詔有司營建壽陵於方山又起永固石室將終爲清廟焉太和五年起作八年而成刊石立碑頌太后功德

侍中鎮西將軍成陽公拓拔忠墓碑

太和四年 舊在陽高縣

魏書昭成子孫列傳忠字僊德高祖時累遷右僕射賜爵城陽公加侍中鎮西將軍太和四年病篤辭退養疾於高

柳輿駕親送都門之外及卒謚曰宣命有司爲立碑銘
講武臺碑

太和十八年 舊在薩拉齊廳

魏書帝紀八月甲辰行幸陰山觀雲川丁未閱武臺臨觀
講武癸丑幸懷朔鎮水經注余以太和十八年從高祖北
巡屆於陰山之講武臺臺之東有高祖諸武碑碑文是中
書郎高聰之辭也

北海王碣銘

太和十八年 舊在靈邱縣

魏書列傳高祖自洛北巡北海王詳常與彭城王勰並在
輦輿陪侍左右至高宗射銘之所高祖停駕詔諸弟及侍
臣皆試射遠近惟詳不及高宗箭所十餘步高祖嘉之遂

詔勒銘水經注澮水西流又南轉東屈逕北海王詳之石碣南御射碑石柱北而南流也

禹廟碑

太和十九年 舊在鄉甯縣梯子崖

元和志慈州昌甯縣倚梯故城在縣西南一百五十里案十字其西南角卽龍門之上口也以城在高嶺非倚梯不得上因以爲名城中有禹廟後魏孝文帝西巡至此立碑碑今見在

龍門禹廟碑

太和十九年 舊在河津縣禹門口

水經注魏土地記曰梁山北有龍門山大禹所鑿通孟津河口廣八十步巖際鐫迹遺功尙存岸上並有祠廟祠前

有石碑三所一碑是太和中立

太和殿碑

太和中 舊在大同府

魏書高祖紀太和元年正月辛亥起太和安昌二殿水經注殿之東階下有一碑太和中立是洛陽八風谷之湍石也

祇洹碑

太和中 舊在大同府

水經注東郭外太和中閭人宕昌公鉗耳慶時立祇洹舍於東皋椽瓦梁棟臺壁樞陛尊容聖像及牀坐軒帳悉青石也庭中有祇洹碑碑題大篆非佳耳

贈衛大將軍太宰并州牧王叔碑

太和中 舊在大同府城南

北史列傳叔沒後賜溫明祕器贈衛大將軍太宰并州牧
諡曰宣王內侍長董醜奴營墳墓將葬孝文帝登城樓以
望之京都人士作哀詩及誄者百餘人乃立觀祀於都南
二十里大道右起廟以時祭薦并立碑銘置守祀五家
贈武威定王王橋碑

太和中 舊在大同府城東

北史列傳叔父橋贈武威王諡曰定追冊獻母竇氏爲妃
立碑於墓石左父子並葬城東相望里餘

太尉宜都公穆崇碑

太和中 韓顯宗撰舊在大同府東

魏書列傳天賜三年崇薨太祖親覽諡法諡曰丁公太和

中追錄功臣以崇配饗崇長子遂留遂留子乙九乙九子
眞高祖追崇勲令著作郎韓顯宗與眞撰定碑文建於白
登山

孝女女勝碑

正光年 崔游中撰舊在平陽府城東大道北

北史列傳河東姚氏女字女勝正光中年十五父母死不
勝哀遂死太守崔游中請爲營墓自爲朱文表其門閭比
之曹娥改其里曰七虞里墓名孝女冢

顯明寺孝文碑

正光年 今在右玉縣

志略在城南三十里大南山中碑字多磨滅可辨者有三

寶顯明闕積侍郎內院闕廣武闕郡太子侍闕孝文石名

李賀蕊闕光闕年四月十日上爲孝文皇帝文明闕百七

十里闕郭山頂造闕天錄及七世所往前死後闕千百葉

闕國家和門闕用之無匱闕伯曾祖字餘不成文明嘉靖

間分守大同中路參將李蔡守備張璽修大南山顯明寺

碑云漢孝文駐兵於此因基於山建寺曰顯明供佛命僧

營修舊碑存焉云云按佛法自明帝時始入中國而漢官

又無內院其說荒唐無徵惟北魏孝文帝先都平城至此

山不及二百里百七十里當指此其云上爲孝文皇帝蓋

指述建寺造像事其云文明當是文明馮太后也年月上

存一光字或是正光中所建攷金石錄正光五年四月有

一千人造像記正光六年四月有孟思文等造像碑惜金

石錄不載全文又無由親至碑下摩挲殘文以證其是否

元魏崇尚浮圖琳宮梵宇營建不絕而範金鑿石窮極莊嚴所在多有細釋碑字當是造像之文下至隋唐造像各碣動云上爲皇帝或父母者此種其濫觴也案謂碑爲造像而作以文體證之甚確以碑無佛像其地又無他蹟可考故不與造像諸碑類記

孝文皇帝碑

今在永甯州北百七十里孝文山

志略州志云魏孝文帝過此山立碑丁卯夏余以事至永甯欲遣人摹搨以道遠不果惜哉

天柱大將軍爾朱榮碑

建義元年 舊在潞城縣

寰宇記潞州潞城縣武王塢在縣西北四十里塢東有後魏天柱大將軍爾朱榮碑文曰建義元年東討逆鎮賊豎

葛榮軍次上黨武王祠東原上有二狻猊從賊方而來天
柱彎弓祝曰中則擒葛榮不中則否應弦而殪遂擒榮
張黑女墓志

普泰元年 今在蒲州府

古誌石華張元字黑女元黑色女郎爾汝之汝南陽白水
人白水鄉漢光武故里在新野縣漢張遷表敘先世甚詳
僅及周張仲漢張良張釋之張騫四人此志乃云出自皇
帝之後未詳其爲何皇何帝唐書宰相世系表張氏出自
黃帝子少昊則皇帝當作黃帝昔在中葉作牧周殷殷無
以張爲氏者周自張仲外見於左傳國策者無位至牧伯
之人爰及漢魏司徒司空世系表清河之祖有漢司徒歆
馮翊之祖有漢司空皓此外未嘗以司徒司空著名惟晉

有司空張華誌以舉燭喻其高明似指華之博物而言然
所徵引殊未確也遠祖和祖具史皆無傳父蕩寇將軍未
著其名妻父陳進壽官巨祿太守魏無巨祿郡當卽鉅鹿
別稱曰壽爲巨祿太守下著便是二字通俗之文字始見
於此又進壽雙名複述稱壽今人以爲常於古則罕見十
月丁酉朔一日丁酉壽朔書日不嫌其重唐張希古墓誌
云四月甲申朔一日甲申亦如此蓋古法也元南陽人爲
本郡太守其卒葬皆在蒲坂豈以父爲蒲坂令遂家其地
耶幽靈無間神誚端肅商誚二字未詳其義裔作襄殷作
殷寇作綏稟作稟魚作魚爪作抓牙建作建雙作雙朔
作朔葬作葬胃作胃幹作幹映作映霄作宵翰作翰休作
休坤作休區作區喪作喪痛作慮族作族堂作堂韜作韜

寢作竊泉作泉式作或皆別體追方懷泣句多長字旁加
三點書石滅字用旁點始見於此是誌未知何時出土於
友人何子貞處見拓本錄之

上黨太守馮勅碑

舊在潞安府

都督陸嚴碑

舊在潞安府

車騎將軍穆祚碑

舊在介休縣

志略三碑並見天下金石志陸嚴通志作陸旭墓在潞安
府城西三里佩文齋書畫譜以馮陸二碑爲曹魏時

西魏

龍驤將軍杜何拔墓志銘

大統十三年 舊在榆次縣薛家村文見縣志

謹案誌云何拔烏氏人祖邱健領民大酋長父侯陸肱儀同三司永熙二年以軍功除龍驤將軍中散大夫平鄉子七兵尙書則本西魏人當孝武入關之時有佐命功又云武定三年除都督軍官如故以武定四年九月十一日春秋五十三卒於并地則是歸附高歡終於東魏其葬以次年當云武定五年而乃云大統十三年八月二十二日葬於鹿蹄山西北八里承用西魏年號其故不可曉銘中有如材入晉似玉歸秦及人爵未遷朝光已逝語標題但書龍驤將軍故官文中亦不及子女豈其抗節不屈客死敵國故

友從人相與表幽特惓惓於舊主之思歎

東魏

侍中驃騎大將軍太保劉懿墓誌銘

興和二年 正書今在忻州

志略墓在州西九原岡上道光間土人掘地得志石並古
玉數事州人焦氏購得其石後以摹拓者衆一角斷矣然
通體完好只斷處缺九字筆法道古有鍾太傅風元魏遺
迹傳世益少且諸家金石從未著錄尤可寶貴也文中別
體字珍
作牙莊作莊秩作秩兒作兒光潤作潤寇作寇
棘作棘其有心等字是金文偏旁又時用篆隸也

謹案懿字貴珍宏農華陰人北齊書北史並有傳作

劉貴秀容陽曲人北史簡略齊書則官階事實無一

不與誌合也誌前標目全書所歷官云魏故使持節

侍中驃騎大將軍太保太尉公錄尚書事都督冀定
瀛殷并涼汾晉建祁肆十一州諸軍冀州刺史祁冀
二州大中正第一首長敷城縣開國公劉君墓誌銘
銘後條列其妻子及子婦凡七行首夫人常山王之
孫尚書左僕射元生之女次長子撫軍將軍銀青光
祿大夫都督肆州諸軍事肆州刺史元孫妻驃騎大
將軍司徒公元恭之女次世子散騎常侍千牛備身
洪徽妻大丞相勃海高王之第三女次子肆州主
簿徽彥次少子徽祖體例皆以前誌銘所未有本傳
父乾魏世贈肆州刺史誌不著其名長子元孫肆州
中正早卒次子洪徽嗣故誌稱洪徽爲世子勃海高
王卽高歡也懿兩世聯姻魏室所云元恭乃普泰帝

初爲廣陵王嗣位後爲歡所弑西魏追尊爲節閔皇帝者也而誌但書驃騎大將軍司徒公並王爵不著殆諱之歟懿初佐爾朱氏以抗孝莊復附高歡以滅爾朱晉陽既興遂覆魏祚舊姻新特並書爲榮九泉有知能不抱愧然在高氏則實開國之勳臣佐命之懿親也

任城王居士殘碑

武定四年 舊在定襄縣

定襄縣志任城王居士室縣東南二十五里有山名居士山有石室古碑剝落略云魏武定四年任城王居士室又有居士臺上有浮圖按歐陽修集古錄有東魏任城王造浮圖記跋尾云不著其名只云武定四年建武

定東魏孝靜帝年號魏書列傳景穆帝子雲爲任城王雲子澄澄子彝彝子度襲封武定中度爲金紫光祿大夫則武定四年王任城者當爲度也

冀州刺史關寶禹紀德碑

武定八年 今在平定州

志略在州北四十里千畝坪有墓碑云石艾人爲冀州刺史字多剝落見州志並天下金石志

案拓本關勝字寶顯顯當顯字志未審

定國寺碑

舊在太原縣

志略北齊定國寺成齊神武謂陳元康曰溫子昇昔作芒山寺碑文時稱絕妙今定國寺碑當使誰作辭也元康薦祖珽才學乃給筆札就禁所具草二日內成其文甚麗神

山西通志卷九十一 金石記一
武以其工而且速特恕罪不問見北史

彭城太妃墓志

舊在太原縣

志略縣北十五里堂頭村北齊神武帝妃爾朱榮之女也

雍州刺史武陽侯左深碑

舊在太谷縣

志略縣北三十里井谷村碑云名深字洪貴南陽人雍州
刺史封武陽侯贈司空蓋高歡別將

北齊

蒙山碑

天統五年 王思誠分書舊在太原縣西見金石錄

姚襄城紀功碑

武平二年 習在吉州

太平寰宇記慈州吉鄉縣姚襄城在縣西五十二里姚襄所築其城西接黃河控帶龍門孟門之險周齊交爭之地齊後主武平二年遣右丞相斛律明月左丞相平原王段孝先破周兵於此城下遂立碑以表其功碑見存

贈開府儀同三司白顯墓碑

舊在榆次縣

榆次縣志墓在縣東北二十五里要店村以子建貴贈開府儀同三司墓前石羊尙存碑已磨滅

北周

譙郡太守曹恪碑

天和五年 今在安邑縣北石碑莊

金石萃編碑泐其諱周書北史皆無周時曹姓列傳是以不能考定其人文首敘曹氏先世甚詳云霖黃初三年立爲河東王食邑六千二百戶太和六年改封東海王嘉平元年薨謚曰定王禮也子啓嗣攷三國魏志武文世王公傳東海定王霖黃初三年立爲河東王六年改封館陶縣太和六年改封東海嘉平元年薨子啓嗣史不詳食邑碑不載改封館陶餘彼此悉合又云後魏太和三年旨復曹下僞姚鄉郡太守雅口淵慈博愛文監稟惠齊禮善修政化云云魏書馮元興傳時有譙郡曹道頗涉經史有幹用舉孝廉太和中東宮主事門下錄事景明中尙書都令史似卽其人也碑敘太守之父抱口應於奇年立成名於冠歲太和之口孝文皇帝口奮指麾兵法優長乃勇略奮發

提戈披口先鋒擊賊前無橫陣舉旗斬馘皇上卽補千人
軍將授口遠將軍是其父以武勇起家厯仕魏孝文宣武
之世功績如是而史傳不載似係撰文者夸大之辭非史
闕也且造浮圖細事碑中不足鋪敘事實又足見珥筆者
之昧於文體也又敘太守以景明中遭父喪三年泣血至
口昌二口口遭母憂喪過於哀昌二當是延昌二年下云
大魏初旨授本土譙郡太守造浮圖一區大統十年秋遭
疾春秋九十有七終于臨民口和五年十月卜葬平夏禹
城之西以大統十年之後推之當是周武帝天和五年蓋
卒後二十七年始克葬也

謹案碑前九行中間剝落尺許失去七十餘字碑後
五行字畫亦多殘泐自銘詞外文尙可讀侍郎所得

拓本不精每行首尾皆有遺字遂闕其諱今以舊藏

本互校可識者多至數十字原跋殊未審也碑云君

諱恪字祓樂沛國譙人也其先皇帝當高陽之世陸

終之子曰安是爲曹下剝落之後又封曹闕於邾漢

遼龍興曹參爲相魏武皇帝以英桀之上才闕挺之

潛關爲魏祖厯載彌長君卽其後下剝落霖黃初

三年立爲河東王食邑六千二百戶太和六年改封

東海王嘉平元年薨謚曰定王禮也子啓嗣下剝落

移逢茲不造闕深思遠大慮後變起遂令夫人達携

二子長道眞次道英微行避難私稱姓禾唯求万全

下剝落民至後魏太和三年旨復曹姓焉祖矢英孫

也僞姚鄉郡太守雅望淵達博愛文豔導惠齊禮善

修政化

下剝落八字父

志尙清靜好學經誥矯然挺立

不可以非義虧其性孝惠慈風稟大氣而自遠文流

洞

闕之藝因事以發

下剝落十字

途致惟安神奉養不慕

榮貴逢太武皇帝親總六戎討逆賊薛永宗蓋吳

幸太州下召鄉備導以前驅

下剝落七字

從駕西行討平

凶醜隨赴北代遂充殿會五豪國有大議必使參焉

後欲送緒乞請歸侍聖上加愍假安邑

下剝落七字

積善

稟質秀靈幼懷廉雅之風長操獨善之策抱植惠於

奇年立成名於冠歲太和之季馬圈殲覆孝文皇帝

威

下剝落四字

奮指麾君

闕

九州圖誌兵法優長乃勇略

奮發遂提戈投募先鋒擊賊前無橫陣奉旗斬馘皇

上自臨卽補千人軍將授綬遠將軍駕還宮闕策勲

飲至殿會之初以爲彌逆殊最皇帝臨軒宣勅褒賚
賞帛正綵兩百餘段歌勞止之詩聽歸侍養使得盡
歡膝下爾其孝德光於事親忠誠形於接物穆穆閨
庭之際恂恂鄉黨之間文麗雕篆學贍博通思入元
門性與天道翱翔詩書之苑遊息禮樂之場若乃致
闕以闕主汎愛以親人間里結諸密之歡朋故廣舊
闕之信輕財若水重義如山一言四馬千金不吝景
明中會安邑府君卒君居喪率禮至性過人哀慟
中茹憂毀骨服慙雖閔餘痛在心每仰凱風以長鶩
闕寒泉而不息三年泣血未足云也五十猶慕方斯
闕焉至延昌二年復遭母憂君扣后土以窮號仰蒼
天而自訴水漿不進口四晨哭泣不絕聲踰月喪過

於哀有感行路毀疾之至殆將滅性雖高柴泣血於

闕辰王脩

闕慕於社日無以過也去魏大統初君嘗

班踰距旨授本土熊郡太守君妙窺元綜深入禪惠

機洞須

闕慕

淨名超遙解脫之門放浪清曠之域

君雖老而敬信喻篤年將暮而脩崇無怠於是

闕二

家資

闕二法身

闕融

教造浮圖一區

闕二

形體

闕

於實相手寫法華涅槃常奉讀誦恆持齋戒罔有勞

倦方介爾景福貽我遠

闕之壽永究

闕興之禮

闕大

統十年忽遭疾醫禱

闕四

苓苓汎汎之影已淪滔

滔之波不住春秋九十有七終於臨民

闕二

質既殞

闕識懷悲豈惟輟杵停歌云爾而已哉君有子六人

長迴歡次道歡次驃騎大將軍右光祿都督漢陽太

守又任虞州別駕長史治中

關二

次

關縣功曹次寅

字

次宣威將軍隴州治中司馬汧陽太守河北大

郡主簿弼等天和五年十月卜措于夏禹城之西北

關二

原之南

以下文七十六字關二十八字銘三行關九十二字不復錄

考三國

魏志王公傳不詳東海王啓所終碑中改姓避難事

可補裴注之闕太守祖名碑缺其右偏似是矩字其

仕姚秦下距北魏太和踰六十年前跋引魏書熊郡

曹道疑卽其人殊謬父安邑府君從討蓋吳事在太

武真君七年至太和南征時亦五十四年年當在七

旬以上豈復能以武勇應募稟質靈秀以下皆太守

事前跋誤合爲一謂太守之父厯仕孝文宣武亦失

之不覈太守祖父並宦河東其占籍安邑蓋久以大

統十年年九十七計之其生當在眞君九年戊子魏
制郡置三太守率不之官而太守年踰九十猶臨民
碑首君諱恪字甚明燎考宣武帝名恪太守身歷其
朝竟不避諱皆足異也若其終於西魏未嘗仕周而
碑前標目乃云大周故譙郡太守則信珥筆者之昧
於文體矣至踰矩作距禪慧作惠愈篤作喻或書者
之誤其葬所今猶以此碑名村文云卜措乎夏禹城
之西北而缺其原名案地去溫公墳頗近溫公先墓
志表皆云涑水南原此或與同然其泐畫不類涑水
字當從蓋關山右碑版之存者以此碑及劉懿碑爲
最古懿碑後出盛稱於時而此則久湮不彰縣志並
其墓失載幸爲萃編著錄又不免詮釋之誤理而存

之資好古之考索亦以祛後人之惑也

隋

武元皇帝紀功碑

開皇二年 舊在太原縣

太平寰宇記蒙山在縣西北十里山上有楊忠碑忠爲周將討齊戰勝隋開皇二年追紀功烈始建此碑忠卽文帝之考謚曰武元皇帝

天龍山碑

開皇五年 隸書舊在太原縣

志略天龍寺在縣西二十里碑在寺見天下金石記

齊侍中開府儀同三司韓祐墓誌銘

開皇六年 正書今在長子縣

長子縣志墓在縣東南十里許韓坊村乾隆二十一年
春韓坊民家院內地偶陷乃古墓藏有誌銘篆楷不一
敘爵里世系頗詳

謹案誌銘韓君在齊功業不甚著故北史齊書皆不
立傳惟文有云天命去齊周人遷鼎公侯將相咸建
白旗侯伯子男皆降軹道君懷節懷義致事東臯去
祿去榮饁彼南畝則亡國之大夫長爲農夫以終世
者也史稱齊軍晉州敗後兵將罕有全節若韓君之
潔身遠引誠一時砥柱千百年後墓石復出得顯於
世當非偶然其所居今尙名韓坊爲長子地而志云
上黨壺關人者長子復置縣在開皇十八年自高齊
以至隋初地本屬壺關也

潞州頌德碑

開皇十年 舊在潞安府

志略開皇十年十一月立見金石錄宋元和志周武帝建

德七年於潞垣縣置潞州上黨郡屬焉隋開皇十年罷郡

由襄垣縣復移潞州於壺關即今州是也謹案隋書辛彥

史遷潞州前後俱有惠政信佛於城內立浮屠二所並上

五層開皇十一年州人張元舉卒數日乃蘇云遂天上見

新構一堂制極崇麗元壽其故云潞州辛彥之有功德造

此堂以待之彥之聞不悅其年卒於官此碑今不可見而

立於十年豈即為彥之頌德歟長治縣志云縣自開皇至

今千有餘年嘗為府州軍治不改子城尚傳為隋時所築

彥之締造之功實不可沒而唐人伎佛史家又奸記異聞

但稱其造浮圖而已然則此碑果為彥之立必有卓犖可

梁州刺史陳茂碑

開皇十四年 正書篆額大隋上開府梁州刺史陳公碑

今在臨晉縣東北二十里小隄山

集古錄陳茂碑不著撰書人名氏而字畫精勁可喜隋書
列傳載茂事尤多闕穆傳云高祖爲隋國公引爲寮佐及
受禪拜給事黃門侍郎在官十餘年轉益州總管司馬遷
太府卿後數載卒而碑厯敘爲高祖寮佐時官傳雖不書
可也其自爲黃門侍郎後又爲行軍元帥長孫覽司馬又
爲蜀王府長史太僕卿判黃門侍郎上開府儀同三司梁
州刺史等官皆不書蓋其闕也又據碑茂爲蜀王府長史
而傳云爲益州總管司馬碑爲太僕卿而傳云太府皆史
家之繆也茂字延茂史亦闕

金石萃編按集古錄茂字延茂今碑拓已泐此四字但据
額題梁州使君陳公文中敘官位事蹟與隋書陳茂傳合

知其爲陳茂碑也碑云太祖文皇帝是指周太祖又云公以賈誼登朝之歲終軍奉使之年展綵於濫觴之辰効官於尺木之始是茂稔隋高祖入仕周太祖之始年甫二十也傳稱高祖爲隋國公引爲寮佐是指隋高祖高祖之父忠佐周爲柱國隋國公以周武帝天和三年薨高祖乃襲爵碑云皇上嗣口霸國將興帝業云云卽此時也碑又云周武帝薄伐東秦席捲河北聲振口坂勢超垓下隋高祖紀云建德中率水軍三萬破齊師於河橋明年從帝平齊進位柱國周武帝紀云建德四年七月詔伐齊隋國公楊堅廣甯公薛迴丹師三萬自渭入河九月班師五年十月帝總戎東伐獻俘傳云從高祖與齊師戰于晉州賊甚盛高祖挑戰茂固止高祖拔刀斫其額詞氣不撓高祖厚加

敬禮其後官至上士卽碑所云公衝寇之氣臨危奮發口
口之誠造次先表也周武帝紀云建德六年二月高潛
在冀擁兵未下遣上柱國齊王憲上柱國隋公楊堅率軍討
平之隋高祖紀云從宇文憲破齊任城王高潛於冀州除
定州總管卽碑云上爲定州總管公任總管府司錄兼定
州贊治也高祖紀云尋轉亳州總管卽碑云上口口總管
公除總管府司錄也高祖紀云宣帝卽位以后父徵拜上
柱國大司馬周宣帝紀云宣政元年六月卽位立妃楊氏
爲皇后七月以柱國南兗州總管楊堅爲上柱國大司馬
卽碑云上爲上柱國公遷府長史也高祖紀云靜帝幼冲
未能親理政事以高祖皇后之父衆望所歸拜高祖假黃
鉞左大丞相百官總已而聽焉周靜帝紀云大象二年五

月上柱國揚州總管隋國公爲左大丞相十二月進爵爲王以二十郡爲隋國傳云高祖爲丞相委以心膂卽碑云上爲大丞相隋王公除府掾治十二府長史也周靜帝紀云大定元年二月隋王堅稱尊號帝遜於別宮高祖紀云開皇元年二月上自相府入宮卽皇帝位傳云高祖受禪拜給事黃門侍郎封魏城縣男每典機密在官十餘年轉益州總管司馬遷太府卿進爵子後數載卒於官證之以碑同異互見而攷之高祖紀竟無一語及茂者碑又云委質皇家卅餘載蓋自二十歲入仕至卒年六十一正四十餘年也碑泐其薨年月日以茂入仕之年二十薨年六十一計之碑有太祖文皇帝爲大將軍臂口文之口口朝若晉室之藩魏國望重斯表佳氣口口云云攷周太祖之爲

大將軍在魏孝武永熙三年碑似指茂初生之時下缺四十餘字當是敘茂少年時事則茂當生於永熙三年甲寅薨於隋開皇十四年甲寅也卽以其年歸葬碑當立於是年猗氏縣隋地理志屬蒲州碑泐蒲字

內軍將軍臨汾縣令梁軌碑

開皇十六年 舊在絳州鼓堆村

唐薛仲孺梁令祠記開皇十六年內軍將軍臨汾縣令梁軌以亢陽頻災遂跡泉之故道審勢逗絕疏源分派乃開渠十二率灌田五百頃貫刺史牙城蓄爲池沼迤邐閭落浹洽園圃歲無旱憂邑民歌頌刻石以載其賜其文與書不紀名氏故不甚彰著

案漢臨汾故城在今絳州東北二十五里隋開皇初屬正平郡三年

罷郡置絳州治縣十八年改臨汾爲正平縣因正平郡爲名也

齊趙郡太守申穆墓誌銘

仁壽元年 今在潞城縣

潞城縣志石於嘉靖年出土文見申氏家譜

謹案北史及齊書列傳無申姓者不能考其人誌稱
其十世祖口以魏青龍在上黨郡守因卽家焉曾祖
鵬疑鵬之別字後魏口口四年禮及懸車詔授潞城令可
徵此縣申氏占籍之古太守以齊武成太甯二年壬
午卒至隋仁壽元年辛酉厯四十年始克葬太甯二
年四月改元河清則卒於是年春矣云與夫人李氏
合葬壺關城北三十里三垂山之東麓三垂山在潞
城西二十七里時屬壺關而太守亦爲壺關人也

堯境寺舍利塔碑

仁壽二年 正書今在潞安府

長治縣志案碑與金石萃編所錄仁壽二年舍利塔銘
爲一時事而文則刻敕誥又與所錄仁壽元年同州益
都兩塔銘同其大隋皇帝九字他碑在文前此小書於
後爲異耳唐沙門廣宏明集有仁壽元年六月十三日
立舍利塔詔其略云朕歸依三寶重興聖教思與四海
之內一切人民俱發菩提共脩福業使當今現在爰及
來世永作善因同登妙果宜請沙門三十人請解法相
兼堪宣導者各將侍者二人並散官各一人薰陸香一
百二十斤馬五匹分道送舍利往前件諸州起塔其塔
所司依樣送往當州僧多者三百六十人其次二百四
人若僧少者盡見僧爲朕皇后太子廣諸王子孫等及

內外官人一切民庶幽顯生靈各七日行道并懺悔率
土諸州僧尼普爲舍利設齋限十月十五日午時同下
入石函總管刺史已下縣尉已上自非軍機停常務七
日專檢看行道及打剎等事務盡誠敬稱朕意焉是歲
分送舍利之州凡三十云云今可考者同州青州鄧州
而外有杭州神尼舍利塔見靈隱寺志亦仁壽二年所
立與此碑而五也

棲巖寺舍利塔碑

仁壽二年 賀德仁正書今在蒲州府

蒲州府志棲巖寺在府東南二十五里隋文帝常以外
國瑪瑙盞施爲供有隋棲巖道場舍利塔碑爲賀德仁
書碑石已裂文字尙完好可誦書頗似虞永興尤古拙

案碑見金石錄當與潞
州梵境寺碑爲一時事

洛陰修寺碑

仁壽中 今在陽曲縣羅陰村

志略車騎將軍王整立在城東北七十里洛陰城魏地形
志陽曲有羅陰城卽水經注洛陰水所經者也隋爲洛陰
府置屯戍之地唐初分置羅陰縣後省

老君堂頌碑

仁壽中 薛道衡撰舊在平定州娘子關承天山

志略碑已亡文見州志其辭沈博絕麗推尊五千言至謂
羲畫麟經未足比擬又謂惟皇受命有地鐘天鏡之祥者
謂隋氏也乃未幾而李唐代興復有羊角山畫見之事彼
老氏者真有靈異抑何朝秦暮楚之甚也

齊中山太守蘇順墓誌銘

大業四年 今在長子縣東王村

謹案誌文見長子志墓在縣東北二十里東王坡道光初出土爲村人蘇元璐所得嵌諸寺壁攷北齊武成帝河清四年傳位於太子緯自稱太上皇文中所云太上皇帝以君才藻命世將略有奇玉帛累徵授中山郡守則其出仕當在後主天統初又云於爾懸車不莅朝政春秋八十二卒又云夫人邁氏七十有六終於第寢弟曰息暉年未弱冠及妻崔氏並從朝露以大業四年歲次戊辰二月甲戌朔十一日甲申合葬村東南二里文不著其卒之年月而由大業戊辰上溯齊亡之歲僅三十一年蓋距其妻與弟之歿

不甚相遠葬同日又同地遂曰合葬也其敘家世曰
武功武邑人其先姬姓之裔口公之後分葉散芳流
派上黨則居長子久矣然蘇氏本已姓顓頊裔云姬
姓未知所本又據隋制當云京兆武功人云武功武
邑蓋以縣統鄉也後魏及周皆於武功置鄉而無武邑縣祖洪雍州刺
史父虎太原郡守皆別無所見書雜篆隸有八族
諸體未見石本不能定爲何字也

潞城縣令段君碑

大業八年 舊在潞城縣見金石錄

西門卽將李寶墓誌銘

大業十二年 今在屯留縣

謹案墓石已殘文見縣志缺其銘辭志云君諱寶高

元里人而不著其郡縣據其敘世系云柱國大將李
思仲之元孫七世祖顯魏明帝時詔授上黨郡守屯
留公食邑二萬戶遂居上黨子孫世家焉則卽屯留
人也祖方興後魏潁州刺史父元周汾州刺史家世
貴顯而皆不見於史

張先生碑

大業中 舊在蒲州府

北史張文誦河東人博覽文籍通習羣經特精三禮游太
學右僕射蘇威勸令從官固辭仁壽末策杖歸灌園爲業
州郡頻舉皆不應事母以孝聞時人方之閔子騫原憲焉
終於家鄉人爲立碑頌號曰張先生

尚書薛道實碑

舊在臨晉縣北四十里平宜村

洛州刺史趙昭公碑

御正大夫裴肅撰舊在虞鄉縣五老原

車騎將軍河北道大都督王珣子碑

舊在臨晉縣北二十里耽子村

謹案王顏追樹十八代祖碑云桑泉房隋奉朝請善
翁善之子勣子翁官至開府儀同三司車騎將軍河
北道大都督見隋書墓今有碑攷隋書楊素傳漢王
諒反遣王珣子拒守蒲州爲素所襲以城降卽其人
也庶人諒傳作王珣蓋誤碑不詳其墓所在而今臨
晉有耽子村當卽故里珣俗書作勣耽其同聲字也

精道寺碑

舊在忻州

忻州志隋精道寺碑云地連三晉城帶九原盧君竊號

之邦趙氏言歸之地

案志引其少以證九原故蹟而古蹟不載此碑亦不詳精道寺所在

文所云盧君蓋卽盧芳東漢初爲匈奴所立居九原後歸漢封代王都高柳其地皆在塞外亦於忻無涉

右碑碣起漢至隋